



Universitätsbibliothek Paderborn

Tractatvs De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

13. An etiam illis, quos scit pastor per solam confessionem in peccato mortali versari?

urn:nbn:de:hbz:466:1-41077

QVÆSTIO XIII.

*Anetiam illis, quos scit pastor per solam confessio-
nem in peccato mortali versari?*

Quæstionis explicatio.

CAsus est talis: Est ancilla, quæ secreto
vivuit in adulterio cum domino suo:
Pastor audita cōfessione huiusmodi crimi-
nis noluit illam absoluere, quia pluries mo-
rita, noluit deferere occasionem propin-
quam peccati, hoc est adulterii: Modò pe-
ste correpta aduocat pastorem, & sibi de-
ferri petit venerabile sacramentum. Quæ-
nitur an pastor excusat, an verò teneatur
illi deferre & dispensare?

Responso.

QVia publice petit, tenetur ei deferre,
& dispēsare. Est assertio omnium fe-
tē Theologorum, qui hanc quæstionē atti- a Conc. Vas-
gerunt, & colligitur ex variis (*a*) Conciliis, 1. c. 8. Africā.
& locis (*b*) iuris Canonici. Illius rationes c. 99. & 100.
variae afferuntur: Potissima viderunt; quia b c. Si autē,
negare peccatoribus occultis publice Eu- c. Placuit, 6.
charistiam potentibus, esset illos intamare, q. 2. c. Si Sa-
quod est intrinsece malum. Confirmatur, cerdos, de off.
quia pertinet ad commune bonum & con- Ordin.

X 3 & con-

uenientem Ecclesiae, vel cuiuscunq; Reip. gubernationem, vt communia bona, quæ publice distribuenda sunt à publico ministro, ad hoc munus à Republica vel Republicæ Principe destinato, dispensentur iuxta merita singularum personarum, non iuxta priuatam scientiam ipsius ministri, sed publicam & notoriam: Huiusmodi autem est dispensatio huius sacramenti, ergo quando publice fit, non est regula per scientiam priuatam. Confirmatur, quia nisi prædicta regula seruetur, possent multa scandala & perturbationes exoriri, siquidem possent ministri sacramenti infamare quos vellent, & peccatum vel indignitatem fingere, ubi non esset, præsertim tempore pestis, quo plerique omnes à ministratione sacramentorum excusari petunt. Et econtra possent fideles sæpe formidari, ne à ministris huius sacramenti infamarentur. Confirmatur 2. communi exemplo de iudice, qui secundum probabiliorem opinionem tenetur iudicare secundum allegata & probata saltem in ciuilibus etiam contra priuatam scientiam ob similem rationem. Accedit, quod præctice loquendo in articulo mortis potest p̄sumi, quod in præsentia sacramenti ob instantem mortem, mentē mutabunt & vere conterent.

Dices.

Dices primo. Fit iniuria Christo, tradendo illum indigne: ergo potius negare debet, etiam cum infamia occulti peccatoris.

R. Negando quod assumitur, quia non tradit illi, quem scit indignum scientia illa, videlicet, publica; alioquin si publice sci-
ret indignum, tunc procul dubio iniuri-
am faceret Christo, & grauissime pecca-
ret.

Dices secundo: Facit contra consci-
entiam, dando sacramentum indignum.

R. Non facere, quia dictamen consci-
entiae tunc non est regulandum per sci-
entiam priuatam, quam habet, maxime per
confessionem; sed per scientiam publicam
sicut ante diximus.

Dices tertio. Saltem cooperatur pecca-
to sic indigne accipientis.

R. Non cooperari proprie, sed potius
permittere, quod iuste non potest im-
pedire, defectu, ut diximus, sci-
entiae publicae.

) : (

X 4

Q V E